

叢書集成續編



叢書集成續編

第 137 冊

集部

上海書店



第一三七冊目錄

集部

別集類

晚翠軒詩鈔八卷續鈔八卷三鈔八卷四鈔八卷五鈔八卷漫稿五卷	清·戴淳撰	(雲南)	一
小清閼閣詩鈔一卷	清·倪玠撰	(雲南)	四五三
鄧虹橋遺詩一卷	清·鄧學先撰	(雲南)	四五九
穆清堂詩鈔三卷續集五卷	清·朱庭珍撰	(雲南)	四六七
雙清閣詩一卷詩餘一卷	清·趙方蔭華撰 趙烈文輯	(嘉咏)	六二一

晚翠軒詩鈔序

嗚呼使造物者忌才而何爲生之耶造物者不忌才而何爲旣生之又厄之耶匪唯厄其身又厄其子孫非造物者忌才而何爲至于此極耶予自昔聞父老言吾滇水淺而土薄科第之家衣冠之冑有及身而敗者有一二傳而敗者操奇計贏治產積居之子有及身而敗者有一二傳而敗者豪猾致富之吏有及身而敗者有一二傳而敗者以是爲水土之罪予竊以爲非水土之罪也彼仕宦者

晚翠軒詩鈔

序

憑權勢以陵人工心計者挾財力以役人舞文弄墨者倚城社作威福以巧取于人極則必反安得不敗非水土之罪也其人之不才有以召之也若使懷才者不皇皇求富不汲汲求貴衣食粗足以自給闢宅數畝積書數千卷蒔花木蕉竹數百本彈琴咏風嘯歌於其中以澤其身以迪其子孫無所爭於人則人不妬無所貪于天則天不厭人不妬天不厭守其業而不失庶幾詩書之澤纂懿流輝於無暨乎又安有及身而敗者一二傳而敗者

及殮諸吾滇才士如王匏生李占亭戴古村之屬

又令吾俯仰歛歔而不能自己也造物之生人衆矣而才者極寡極寡則極貴而生之者不貴之重之反困頓之抑獨何歟匏生之終也以孝廉占亭之終也以副貢古村之終也以上舍富貴不足道此雖厄犹非其極者吾獨惜匏生之才當時比之邊孝先而及身困窮求數十緡養魚以治生卒不可得又卒無子以死占亭較匏生家小康有墅曰卽園種梅數十株今已屢易主梅幾伐盡其孫文

晚翠軒詩鈔

序

煜窮且老僅能自存古村藏書甚富子孫不能守已盡屬他人孫婦強曾孫婦束兩世寡居元孫曰森曰鑫皆穉幼無以爲生活三人者世稱才士無異辭而其厄如此將非有才者干造物之忌耶旣忌其身而又忌其子孫耶將文章之士鐫剗萬化觸忤百靈以致造物者忌之耶其間又有以道德經濟爲當代推重如錢南園何丹畦者豈亦干造物之忌耶南園困躓不得竟其才丹畦尤橫貫丹畦子孫不知其何如然吾聞其師宗祠宇皆飭焉

牛糞土藪雜落莫可想見南園本支厯數傳更斬焉不祀將非才益大者造物忌之益深而厄之益酷耶抑士君子立身行己亦求其在我者求其可傳于後世者道德經濟求如南園丹畦文章求如匏生占亭古村斯可矣其身之困不困于孫之窮不窮不必問耶造物者之忌不忌當置之不議不論付之杳冥恫怛不可知之數耶不然怵于才爲造物所忌吾慮其營營逐逐甘爲不才求富貴而不知返也而營營逐逐甘爲不才求富貴而不知

晚翠軒詩鈔

序

三

返者又未嘗不及身而敗一二傳而敗也水土之罪其信然耶造物者之忌其信然耶抑亦有不盡然者耶吾不知之矣予先後得匏生占亭古村諸集板印而行之愛其才而悲其身與其子孫之困窮而不振也因序晚翠軒集遂發憤而拉雜道之光緒二十七年夏五月昆明陳榮昌

戴子古村余所拔士也癸未余歲試呈貢古村文心靜穆詩律精細拔爲多士冠迨科試數場窺其人神閒意曠舉動不苟而所爲詩文亦日益進亟登之拔萃科撤闈後屢相見於官廨始知素擅詩名爲五華五子之一然其植躬勵學儀度冲和絕無世俗驕矜氣象讀所爲晚翠軒詩如其人也所謂不近名而廉隅較如者其斯人乎夫今之耽吟咏者往往風雅自命嘯歌傲世甚至視詩書爲陳迹目方正爲迂儒吾知其廢學墮業蔽聰塞明

晚翠軒詩鈔

序

一

必至汨沒其性情而後止古村可謂不失其性情者也今秋古村出闈四藝工雅余許以必售而中丞韓芸舫觀察宋芷灣兩先生亦極賞之榜發竟不獲售余方爲之歛歔惋惜胸次不平翼日古村來坦然自適平易如常時若古村者真有得於古人溫厚和平之旨而豈得僅以今之詩人目之耶余任滿行有日矣爲書數語於簡端譽古村益以勵多士也時道光乙酉秋九月錢塘陳鴻序

劉寄庵司馬之掌教五華也課其門下士之能爲詩者得五人焉曰李卽園楊丹山戴古村戴雲帆池簫庭采其所爲詩歌序而梓之題之曰滇南五子已卯秋余奉 命典滇試丹山雲帆簫庭三君俱登選卽園亦得副車惟古村戴君以事不預試人皆爲四君子寄庵司馬及余賀且爲古村惜余笑曰此正可爲古村賀安在其可惜也夫古人所貴乎科名者以士修學於身砥行於家出而可以貢於朝廷施於邦國以不負所學非然者何所用

晚翠軒詩鈔

序

一

其科名哉今古村讀書能文劬學勵行隱於屢肆不求聞達故其詩樸直敦厚有古人風倘登於朝必知其能爲端人爲循吏卽踰伏里巷亦必能不懈所學勉爲誼士善人以化於其鄉古村固有以自爲重者何藉乎科名也哉余旣贈之以詩而古村外甥黃象坤亦以是年舉於鄉今春計偕來京師復爲古村請序於余因書數語以應之嘉慶庚辰孟夏東吳吳慈鶴序於春明寓廬

余讀古今詩人詩而歎天之善於位置人也夫

貴功名世閒祇有此數盡人而昇之勢必不足而

詩則自一二日以及百千億萬年天予之而不竭

人取之而有餘於是世之不得志於富貴功名者

天皆得以詩償之久之而其人亦且視富貴功名

爲不足與夫天予之而受之是爲不違天受於天

而終身守之是爲不褻天不違不褻則可與天合

德而並其不朽其始也以富貴功名之數爲不足

而予之以詩其旣也予之以詩而且視富貴功名

晚翠軒詩鈔

序

一

爲不足與然則天之於詩人固何如而詩人之於天又何如也雖然知此意者鮮矣戴子古村其知之乎古村呈貢諸生家無中產懸壺市坊爲衣食計顧不廢吟哦積久成帙自余來五華無歲無月不以其詩相質而其詩則言情之什爲多長歌短吟有聲有淚蓋天性孝友人也夫天予之以孝友之性又予之以風雅之情而古村遂克承之而爲吾滇之詩人古村其可謂不負天者乎雖然古村年正壯盛後此安知天不益以富貴功名予之而

吾觀古村若將終其身而無他求者古村之意豈不謂以什伯人中而計之爲詩之人不易有以三百六旬閒而計之爲詩之時亦不易有而旣已有此人旣已有此若干詩是非於富貴功名之外處之不可也哉吾於是又不僅歎天之善於位置人也故以一言弁諸簡首

嘉慶二十有二年歲次丁丑春二月丁丑寧州劉大紳

晚翠軒詩鈔

序

二

晚翠軒詩鈔

自序

一

記曰獨學無友則孤陋而寡聞誠哉是言也憶余髫時先君子與袁蘇亭丈同居幕府趨庭之餘觀丈人吟詠心竊好之然初不解爲詩也歲壬戌移家九龍池與萬香海先生比鄰而居朝夕過從始學爲詩歌每成一篇卽就正焉自是先生出游靡常余亦或作或輟且稿皆棄去洎庚午以來始閒有留貯篋中者癸酉冬得請業於劉寄庵師發縱指示稍知趨向甲戌秋又獲交楊右淇反覆講求資助無已迄今戊寅前後所得蓋纍纍盈囊矣夫以余賣藥市中奔走衣食非先人之所屬望並非師友之所期待尙何從事筆墨徒滋罪悔然而性不能移情不自禁譬好飲好博之人見尊疊臬盧未有不怦怦欲動者因刪存舊稿而識其得力者如此吾師寄庵及吾友右淇固常有以惠我他日香海先生歸來必更有以進我所恨蘇亭丈往矣不及爲我辯明得失而匡所未逮也嗟乎詩一小道耳人生立身行己友朋之益亦何獨不然哉亦何獨不然哉除夕前一日呈貢戴淳書

彩雲騰現處美彥不勝收敝網珊曾承雛鸞骨自
道文心三古澹詩筆五華秋挾策重相見同驚逝

水流

無意求溫飽難忘在顯揚甥方登上第古村之甥黃琦成進

士入詞館子獨整歸裝降格新花樣乘時好景光莫高

槃澗詠鳴盛達 天閨

丁卯戊辰間余任滇南承宣時古村明經尊人

襄幕事甚相得余於鄉試落卷內挑取書院肄

業古村與焉今以拔萃科入都見其晚翠軒詩

晚翠軒詩鈔 題辭

鈔於其歸也以詩勗之並志今昔之感道光丙

戌孟秋上浣襄平蔣攸銘題

使星出銀臺視學來萬里風塵過眼空相賞有戴

子戴子才非凡詩名滿人耳花樣不逢時屢為試

官詆銀臺非艷名暗中能得士拔之千人中貢入

太學市試卷清風篇抄貴洛陽紙被落始相見詩

編為贅雉偶從一披讀古香濺我齒渾樸如其人

不肯為綺靡具此灑落胸得失何足悔出世非轉

榮入世亦非詭生逢 堯舜朝何必慕山水要以

千秋期學海深無底

道光六年秋九月古竟陵蔣祥墀題

晚翠軒詩鈔 題辭

二

晚翠軒詩鈔卷一

庚午至甲戌

呈貢戴淳古村

雜詠二首

鸚鵡能言鳥厥惟西南生羽毛既可愛口舌莫能
爭投足棲畫閣滿腹餐香稊豈不蒙光寵但負故
山盟江湖有鷗鷺浩蕩方移情

白壁古所寶德性湛然深奈何重綠玉直欲高黃
金顏色無與匹商賈爭相尋世人貴悅目淪涕

衣襟

晚翠軒詩鈔卷一

一

曉起

入室風偏急開門雪正飛暑瘡寒更甚未得侍添

衣時家大人
應聘幕府

奉題方伯蔣礪堂先生滇郊截鐙圖送其移

任江蘇

比闕詞章彥南邦政事臣功名鵬奮擊器宇鶴精
神草就初頒制麻宣共仰綸將嚴前路僕誰
息此方民使節丁年至邊疆甲帳陳位高歸衆望
德盛慰羣倫駿烈風同召龍祠雨降郇先生虔禱
西山隨車

酥冰心襟可濯電目牘無塵通達資移俗勤勞

樹人士猶看濟濟誨特聽諄諄勉蘊囊中錦期成

席上珍同羣當第落特識更才掄戊辰科落卷挑
取五華育才兩

書院積玉探山穴遺珠索水濱青燈文聚富白屋

計忘貧鍼度宗工久斤操哲匠頗家君時罷吏幕

府早留賓遂使庭趨鯉常窺解獲麟光陰誠足惜

節序那堪詢荷葉偏迎夏楊花已送春旌旗千里

始車馬一時新不得居龔遂安能借寇恂行程思

日遠臥道感天真符秉重臨未香焚遍及辰眺瞻

晚翠軒詩鈔卷一

二

空佇野惆悵欲經旬昆海碑銘鐵吳江印綰銀由

來香廡地有賴俗還淳

家大人抱病經年撫時卽事悵然有作三首

門前惟雀集屋上任烏留白髮茲多病中心莫解

愁加餐常曲勸策杖亦難游底事陰陽患侵人未

易休

去口何堪憶艱難家計營風霜存破屋雨雪入邊

城途是西川險濤曾南海驚無多困筋力疾向此

中

誰是良醫者神農味遍嘗草猶三徑碧梅又一年
黃樵悴嚴君面縈迴慈母腸庭幃終日侍百計總
茫茫

呈袁蘇亭丈六首

隔歲纔相見今番最愴神永懷孤子痛倍覺丈人
親家事惟憐命遺書不計貧坐餘類欲訴一一動
天真

童子趨庭日先人共事曾淡交渾似水清跡總如
冰把卷朝依榻吟詩夜向燈珠江揮手去舊雨夢
晚翠軒詩錄卷一

中仍壬戌夏先
君子仕粵

嶺南數千里鄉國謗猶生門外車誰至牀頭劍欲

鳴慨慷來好語患難識交情妻子真堪託如公本

至誠癸亥之交偶因時事有不足於先君子
者胥動浮言先生相慰百端義形於色

國士酬知已先生爲陳雲巖太夫子綴
項往返萬餘里不憚其勞高堂亦挂

冠無端成老瘦相視集悲歡聚散何能定音書得

屢看桑榆原可樂林下好盤桓

小園招飲後天遣病難支豈有倉公藥徒從季主

著一棺纔定論孤冢未刊碑不忍頻回首是昏冥

夢思

前日飛鴻至開函感不禁小人惟有母君子愛何
深空費丹砂寄承寄藥一劑方一紙此書來將清
酒斟前泣數行下涕零無以報舒憤爲知音

報主詞四首爲昆明殉節周張氏賦

許國千秋事曾傳青簡名古今存正氣天地不虛
生自是鬚眉重休將粉黛輕請看張氏女見義獨
能行

幼歲無家別來時仰主慈身同諸婦職心特老人

晚翠軒詩錄卷一

四

知能有庭幃慶如何光景馳衰年伊可懼一病卽
難支

飲恨竟長別傷哉莫告哀淚斑頰灑竹骨冷欲吟

梅白首生前侍丹心死後灰一身歸得所直向夜

臺來

死比泰山重吁嗟有幾人殉身真烈婦報主卽忠

臣鏡作月光皎釵留劍氣新詩歌遍里巷太史好

爲陳

詠懷四首

父母生我時早挾無窮望兒生偏使獨兒年已壯
壯但得博一第庶用慰堂上天不鑒余誠嚴君遠
棄養仰首奉慈幃寒夜坐相向四壁起悲風無人
覺悽愴

我父少苦貧奔走志四方室內咸就理深賴母氏
良自壯以及老暫息仍未遑一朝悲不起百累始
渾忘老母因積勞兩目亦失光無非爲兒苦有兒
徒慚惶

勞勞寧得已處世卽有營行且爲家計黽勉學治

晚翠軒詩鈔

卷一

五

生夙志恐遂廢豈復冀寵榮回憶當幼年課讀卷
帙呈去日不可留悠悠大江聲

蓬萊隔渤海可望不可到惟願備菽水慈親臻耄
耄何日買山居聊從吾所好農時事種藝暇日探
典要把我父遺書行歌復坐嘯

讀杜少陵集

李唐詩卷百家陳傑出如公未有倫千古雄文漢
太史一身偉抱舜名臣東郊瘦馬誰相顧西蜀哀
猿獨與親飄泊可憐無定所長歌短歌總霑巾

讀李義山集

何言溫李本相同幾度長吟近體中獨得楚詞香
草意善師蜀地浣花翁心思最喜書陳獺光燭偏
宜史紀熊我自辦香祝不已人間從此錦囊空

懷袁丈蘇亭

送君歸去馬蹄寒驛路梅花好盡看料得蒼山深
雪裡閉門高臥有袁安

張小東先生序先君子銅志賦謝二首

當代文章伯高懷人不如筵驚強舌辯齋坐道心

晚翠軒詩鈔

卷一

六

虛乞與三都序勞將一紙書逢人誇得隴望蜀又

跼蹐

更承許爲先
君下立傳

二十年從事先人心力殫檄書對劉放

謂袁蘇
亭丈

鐵論桓寬自愧徒能讀何當亟付刊光芒騰卷首

夜夜斗牛寒

局促吟自題深林采藥圖

既不能讀千卷萬卷書又不能行千里萬里路局
促一屢朝復朝世上勞人徒感遇擊燕筑吹吳簫
處因豪傑原無數自憐不過雞鶩羣焉得遠接驪

驢步將做嚴君平垂簾尙對道德經或師宗少文
臥游亦遍名勝處奈此營營四壁蒼蠅聲攪我精
神莫能赴紅塵不斷起白日等閒度清風明月有
時有入夜算縵何暇顧吁嗟乎古來萬事皆由天
豈必千金善保護但願衣食苟有資弗令妻子啼
朝暮不復街頭賣藥來好向山中采藥去仙鳥傳
書免賜方神龍作杖鳬爲屨紫芝有曲起高歌赤
松與游忘世故朝餌白朮與黃精夕飲流霞兼墜
露雲來雲去亂峯多依巖小結茅屋住

晚翠軒詩鈔

卷一

七

民馬行

封民馬應官差縣中有帖下特奉大憲牌道左一
相顧得馬已無數滇地本多山始足供行路今日
迎官來明日送官去官差日以多民力將奈何

見先君子侍人王榮二首

見面喜今日猶疑阿父存親偏傷棄養汝尙解啣
恩孤影勞相弔悲聲各自吞細從離別後家事與
重論

室內餘妻子眞憐命不辰那堪纔兩載相繼失雙

親天地空生我情懷莫告人庭前執手罷復有淚
盈巾

檳榔行

嗚乎檳榔之產自萬里其用惟供邦人士常日藉
通賓主情土風尤繫婚姻禮種類自與嶺南殊珊
瑚葉密長交株結實纍纍垂碧玉剖蚌一一穿明
珠巧作螺形凡數串復有老藤神龍幻相佐徐嘗
境自佳幾回飽噉味如詠交趾有桂天下知普
有茶海內奇沅江之果世莫重我欲一問造化來

晚翠軒詩鈔

卷一

八

自古聲名難自主紛紛湮滅何堪數君不聞國士
登龍慕李膺大賢附驥從尼父只應朝夕快餐霞
世上懷才徒怨嗟

肆中雜詠六首

獨活

斯世眞如寄人生百歲無嚴親嗟不起兒自一身
孤

益母草

但益兒心苦安能奉比堂人間空有藥莫覓駐年

方

兔絲

憶自戊辰歲新婚賦兔絲山妻常佐讀燈火夜深

時

遠志

未遂平生願朝朝市井趨自慚輸小草不肯薄根

株

益知

豈果能益知多應浪得名世人那服此機巧自然

晚翠軒詩鈔

卷一

九

生

茯苓

何日古松下攜鋤劬取歸爛同白石煮飯罷掩柴

扉

劍

拂拭囊中劍鋒鋸利斬鯨未能逢壯士徒自伴書

生老壁龍泉挂奇光牛斗橫每愁深夜裡應有不

平鳴

聞唐二南至喜而有作

聞道故人至行程百里間昨朝渡煙水獨卧看雲
山與我情懷厚尤憐意氣閒中秋同對月底用破
愁顏

中秋夜對月

親顏莫得侍兒影自憐單時有悲風起翻憎皓月
團清輝一歲景良夜幾家歡愁絕惟依枕相從夢
裡看

暮歸二首

倉皇廢詩書奔走求衣食既非酬應才徒形憔悴

晚翠軒詩鈔

卷一

十

色處世良獨難與人惟默默靈藥聚羣山交易及

日景短褐逐長風歸路已昏黑

昏黑入門來蟲聲四壁聽翹足上高堂靈牀燈相

映兒歸不見親能無感天性依依向寫真呼親親

莫應淚下霑衣裳兒自憐兒命

呈劉寄庵師二十韻

昭代人文冠高年德望全西林隆造士南國近求
賢重觀談經盛咸知向學專諸生爭欲效夫子澤
無邊驅馬曾登岱爲舟效濟川臣心如白水民望

若青天

東民共呼

暫向玉關往爭爲金贖旋歡稱

上界佛歸路地行仙

楓陞嘉循吏萱堂慶耄年

奉

旨起用耀

白頭仍膝下綵舞向尊前應進藜

爲杖常供藕似船忠臣兼孝子餘事及詩篇早得

江山助閒操風月權嘯歌皆自適體製已成編大

海波瀾濶名山著作傳壇登錢起敵

與並訂門入

李膺填夏雨及人衆春風惠我偏蟲聲猶入聽蠅

逐自生憐賦質宜惹肆謀生寄藥屢激昂多少恨

深恐負陶甄

晚翠軒詩鈔

卷一

十

東萬古厓先生四首

灼灼桃李花蒼蒼松柏樹春花有人賞冬樹無人

顧委棄空山中雪霜而雨露垂老抱貞心夫何傷

不遇

惟蛾喜赴火惟魚喜得水魚向水中生蛾向火中

死君子觀物性持身良有以不爲蛾趨炎寧爲魚

在泥

慈竹聳千尋孤桐高百尺竹筍抱根紫桐枝茁芽

白垂陰覆四圍孫生勤護惜深賴造化功行見凌

空碧

山雞舞石鏡羽毛不自醜昨遇岐山鳳翱翔尙回

首仰彼秋天高燕雀非吾友願振凌風翼飛鳴從

其後

浮萍篇爲唐二南作

客有某者妄聽人言欲以妹爲人妾二南

勸而止之且與爲兄弟寄乃妹於太夫人

膝下爲別擇佳壻焉古所云俠士者不於

二南見之哉

晚翠軒詩鈔

卷一

十

悠悠水上萍飄流各西東三月榆莢雨一池楊柳

風雨歇風定相逢處萍葉依依輕浪中人生結交

事亦偶才遇堪憐頻回首不惜爲謀骨肉間君子

愛人乃獨厚鳩鳥太無情但解爲媒好幾欲使新

雛不作鴛鴦老疾呼行不得鷓鴣啼聲早殷勤一

紙書責之以義禮委曲計將來願結爲兄弟人心

非木石聾聵聰明啟載拜感恩深相對惟流涕異

姓猶思手足諧紫荆之摧空爾爲慈雲更覆兔絲

草好風吹附女蘿枝

懷萬香海先生都中兼柬哲弟芝城

昨日都門客到初盧溝橋畔值君車馬周遇主獨
非策韓愈懷才三上書內顧無憂原有弟中心相
憶不禁余故園春至梅花發立向花前漫自如

東嚴秋槎

公子游京洛曾無衣上塵性惟文酒樂情爲友朋
眞填就葬花曲傳來賣藥人市廛終日任得不妨
閒身

讀孟東野集

晚翠軒詩鈔

卷一

十一

詩家首青蓮諷諭國風肯少陵傷亂離不愧稱曰
史吾謂東野作竊又比於子骨立意自負牙慧語
可恥危峽鳴斷猿戰場啼故鬼堂堂昌黎公披肝
吟薦士把卷不忍釋朗吟小窻裏因歌遂成詩千
秋一仰止

晚翠軒詩鈔卷二

乙亥

呈貢戴淳古村

思茅陳貞女詩

吾鄉聘女茶必先移根不活茶性堅妾身幼卽許
名家夫死妾寧不如茶麻衣登夫堂妾已無始嫜
妾自不惜死夫骨未還鄉螺贏一物耳猶有螟蛉
子感此傷妾心憂思何時已深賴手足誼猶子以
爲孤載拜向妯娌撫育荷恩殊他年旅櫬有兒歸
此日重泉任妾隨柔魂直向山中去化作靈禽比
翼飛

晚翠軒詩鈔

卷二

一

翼飛

清明

又是前村煙火新驚心薄祭好爲陳一家骨肉餘
三口此日清明慟二人乳燕飛鳥皆自得花光柳
色獨傷春阿誰哭向北邙路冢畔聲聲倍愴神

貴陽司馬行

楊公以誠路南人前明歲貢生官貴陽府
同知以安邦彥反靖難死

猿啼烏號滿山邱南山北山環郡樓黑雲壓城城

門閉豺狼當路恣遨遊將欲滅其類何處得戈矛
惟有與爾民堅壁禦寇讐半載守城勤一旦爲賊
取五紙封竹筒更比蠟九苦潛行有弟復蹈危痛
與家人無完屍此身與賊難並立不能殺賊賊殺
之考其奮志報國事厥惟天啟二年時君不見同
時復有徐推官一門忠節皆能完公名朝綱晉寧人攝安順府亦

閩門死邦彥難

讀李太白集

與杜詩名大爭傳李翰林少陵成變體太白得元

晚翠軒詩鈔

卷二

二

音天授真無敵時危每有心凡才堪一笑空欲學
高吟

讀韓昌黎集

理學師鄒魯文章輔漢秦多才非一藝餘事又詩
人險韻長篇擅奇文硬語陳晚唐多作者綺麗豈

堪珍

自題龍池釣魚圖歌

余家世居呈貢先曾祖始僑會垣壬戌夏
先君子卜居九龍池畔四時風景信足娛

人而綠柳陰中一竿以釣要不羨東海任
公也因倩畫師作圖自爲賦詩焉

龍王居在深湫裡娶得龍婦生九子奮鱗鼓鬣爭
游嬉羣靈百怪會驚起神奇之用莫如龍暗瀉昆
明三百里東列一峯青如螺四圍瓦屋魚鱗多此
間居人饒美利憂有王瓜秋有禾春韭冬菰皆可
種終歲飲酒樂如何酒家卽向橋頭訪羸蝸味美
開新釀水禽沙鳥互爲歌蓮葉荷花自相向長隄
斷處小橋連游人共愛中流望中間縹緲有三山

晚翠軒詩鈔

卷二

三

讀劉寄庵師近稿賦呈

才如大海氣如河筆落風雨驚蛟鼉赤螭青虬長
鯨巨鯢無不有噴沫鼓浪高於山嵯峨望華一篇
實倡首迭詠金馬鳴鳳與青螺文章能生山川色

我欲登崖選石一一鳩工磨真慶芍藥什龍泉梅
樹歌仙人下視一大笑奇情縱橫逸興多偉哉大
集未曾有一唱三嘆恣吟哦夜深寶氣射牛斗腰
間之劍空摩挲古來作者誰最著唐數昌黎宋東
坡吾師起而合爲一今人要與古同科生平亦自
耽風雅才思孱弱徒入魔從今觀海難爲水牯羊
却步將奈何

得袁蘇亭丈書却寄二首

兩載不相見嘗此離別苦每因西去人時時一寄

晚翠軒詩鈔

卷二

四

語昨日尺書來宛然顏色親問我近平寧勸我安
貧窶示我詩數章訓子詞縷縷先生以寄令嗣于
谷都門詩四首見
寄人生有至樂難得親爲怙雖在天一涯不異堂
上聚坐使我心悲哀哉獨無父

無父況無母他人莫我有葛屨歎何深蓼莪廢已
久杜陵歌七哀吾家僅三口衣食最勞人賣藥塵
中走面目俗所憎安得素心友父執復無多歸然
獨吾叟洱水波千尋蒼山峯十九封題付魚雁能
傳相思否

催租吏

四鄉催租吏奉得縣票至按畝而徵糧 國家有
定制一輪夫一輪草同出自田間差徭例可考吏
來首催租兼催草與夫官限一以迫何不亟供輸
向吏殷勤前致語今日囊中錢尚無語猶未畢吏
已怒捉人卽向縣中去

貢象役

徵外有象貢 天子聊達區區忱耳由滇黔而
歷楚洛置鼓車中記萬里就中象奴生狼貪每過

晚翠軒詩鈔

卷二

五

郵途責料理縣官倘欲惜金錢人作獸言心獸似
蠢然之物解其意便爾長途臥不起嗚乎累官實
累民民之脂膏能有幾我 皇治世仁德深惟願
黎民安遠邇此弊一經 九重知多恐 詔下西
南貢象止

題錢芷汀少府四丈紉芷遺圖

丈人不復塵俗偶欲見顏色悲何有令嗣持示紉
芷圖紀游一詩題其後我得披圖喜讀詩杜陵詠
懷有如斯形容不爲吟詩瘦當年楚國憂瘡痍少